



Antikorupcijska akcija Pandora provedena u cijeloj BiH



Privođenje osumnjičenih Foto: SIPA

ODZVONILO ČAUŠEVIĆU I SARADNICIMA


• SIPA je uhapsila 40 od 54 osobe koje su pod istragom. Među uhapšenima je 30 zvaničnika carinskih organa UIOBiH • Slijede saslušanja

U noći sa utorka na srijedu oko 300 pripadnika Agencije za istrage i zaštitu BiH dobilo je nalog od državnog Tužilaštva da krenu u akciju nazvanu Pandora. Sa fantomkama na glavama, naružani, u uniformi i sa pancirima specijalci sjedaju u vozila i kreću u najveću poslijeratnu akciju protiv finansijskog kriminala. U ovoj velikoj akciji protiv korupcije, SIPA je uhapsila 40 od 54 osobe koje su pod istragom. Među uhapšenima je 30 zvaničnika carinskih organa i Uprave za indirektno oporezivanje BiH, nekadašnji direktor UIOBiH Kemal Čaušević, zatim Zdravko Cvjetinović, pomoćnik direktora Sektora za carine UIOBiH, koji je uhapšen prilikom bjekstva na graničnom prelazu Gradiška. Privedeni su i Alija Mašić, bivši šef Carinske ispostave Sarajevo, bivši šef Carinske ispostave Gradiška Nedeljko Milovanović, Milenko Nikić, bivši šef Carinske ispostave Brod, te Avdija Škahić, jedan od aktuelnih čelnika Carine Brod. Tokom hapšenja bivši direktor UIOBiH izjavio je da mu je danas (jučer, op.a.) "najstresniji dan".

Uvoz tekstila

Akcija je, kako je saopćeno u Tužilaštvu BiH, izvedena u svim krajevima BiH, u oba entiteta i na području distrikta Brčko, na više desetina lokacija na području Sarajeva, Tuzle, Banje Luke, Prijedora, Prnjavora, Gradačca, Srebrenika, Bijeljine, Zvornika, Tešnja, Čelića, Doboja, Čelince, Broda, Gradiške, Kozarske Dubice, Dervente, Bihaća, Kotor-Varoši, Kiseljaka i Ilijaša, a pretreseno je i nekoliko objekata, među kojima i službene prostorije Uprave. Pandora je, kako saznajemo, uslijedila nakon što je tužilački par Oleg Čavka i Dubravko Čampara dao zeleno svjetlo, odnosno nakon što je okončana osmomesečna istraga. Istraga je pokrenuta zbog koruptivnih krivičnih djela organiziranog kriminala, carinskih i poreznih utaja, nezakonitog oprastanja poreza i povrata PDV-a, pranja novca, te zloupotrebe položaja ili ovlaštenja u

SEDMAM GODINA Čaušević je tokom sedam godina kupio devet stanova i poslovnih prostora, kao i 20 duluma zemlje. Kupio je nekretnine vrijedne milion i 80 hiljada KM



Džakula i Osmić

Suspenzije s posla

Miro Džakula, direktor UIOBiH, jučer je kazao da je od osnivanja ove institucije zaključno sa 2010. carinskim prevarama budžet BiH oštećen za više od dvije milijarde maraka, od čega je samo u 2010. na carinjenju tekstila, uglavnom porijeklom iz Kine, država oštećena za 350 miliona KM. Džakula je istakao da će svi kojima bude određen pritvor biti automatski suspendovani s posla. **G. K.**

vezu sa uvozom tekstilne i druge robe u BiH. Državno Tužilaštvo u ovom predmetu provodi i finansijsku istragu, sa ciljem blokiranja i oduzimanja nezakonite imovinske koristi i imovine u višemilionskim iznosima, a koju su, prema prikupljenim saznanjima, uhapšeni stekli. Svi uhapšeni privedeni su na saslušanje, nakon čega će biti odlučeno o mjeri pritvora.

Kako nam je rečeno u Tužilaštvu, bit će predloženo blokiranje i stavljanje pod kontrolu države imovine za koju postoje dokazi da je stečena nezakonito. SIPA je jučer navodno pretresla i objekte u vlasništvu Anesa Sadikovića, koji je ranije dovođen u vezu sa nezakonitim uvozom tekstila. Sadiković je, podsjećamo, uhapšen u akciji Boss. Ovaj nekrunisani "kralj tekstila" i kineske robe u BiH, uhapšen je u septembru 2012. sa još sedmoro bliskih rođaka, među kojima i bratom Ismetom. Na teret im je stavljeno da su proteklih godina uvezli kinesku robu u vrijednosti od nekoliko milijardi KM i da su carinskim malverzacijama oštetili budžet BiH za astronomskih 300 miliona KM. Sadiković je navodno jučer trebao biti ponovo uhapšen, ali je pobjegao u Cmu Goru.

Uhapšeni Čaušević, za kojeg se sumnjalo da je bio stvarni organizator uvoza tekstila, povezan je sa Sadikovićem, kao i sa Ramizom Delalićem Čelom, koji je ubijen 2007.

Kemal Čaušević je tokom sedam godina ku-

Sanader je mala beba

Mehmedalija Osmić, predsjednik Sindikata UIOBiH, koji je pet godina upozoravao na nepravilnosti u ovoj instituciji, jučer je kazao da se borba isplatila.

- Moja porodica i ja smo doživjeli grozne stvari. Situacija se vremenom usložila, kriminal se skupljao, ali bez obzira na to, nastavljena je borba protiv kriminala i borba za istinu. Prije svega, zahvaljujem vrhunskim profesionalcima u Tužilaštvu i SIPA. Svi koji su uhapšeni imaju svoje mentore i sve je rađeno organizovano, s ciljem pljačkanja ove države, kazao nam je Osmić i istakao da su prikupljeni dokazi izuzetno kvalitetni.

Predsjednik Sindikata Uprave naglašava da će se akcija nastaviti, te da je slučaj Sanader mala beba u odnosu na slučaj Pandora. Podsjetio je na postupke koje je Čaušević izgubio protiv njega, te dodao da još čeka naplatu dobijene presude.

pio devet stanova i poslovnih prostora, kao i 20 duluma zemlje. Za nepunih sedam godina kupio je nekretnine vrijedne milion i 80 hiljada KM. Njegovi ukupni prihodi ostvareni od 2004. nisu bili ni približno dovoljni da pokriju ulaganja u imovinu. Njemu je, prema podacima UIO, od decembra 2003. do marta 2012. isplaćeno 576.000 KM na ime plaća i naknada. To je u prosjeku 72.000 KM godišnje, ne računajući dnevnice. 53.000 KM dodatnih prihoda od iznajmljivanja nekretnina i drugih djelatnosti prijavio je Poreznoj upravi FBiH u periodu od 2005. do 2010. Sve nekretnine koje su u njegovom vlasništvu su u najužem centru Sarajeva i na drugim atraktivnim lokacijama u gradu.

Nema smisla

Kada je u decembru 2003. imenovan za direktora UIO, Čaušević nije bio vlasnik ni stana, ni kuće, niti neke druge nekretnine. Tokom rata je bio pripadnik Armije BiH, a 1996. dobija posao u Ministarstvu finansija FBiH, gdje je radio kao državni službenik. Na funkciji direktora UIOBiH ostao je do 2011, kada ga je Vijeće ministara BiH razriješilo dužnosti. Na teret mu je navodno stavljeno i sprečavanje pojedinih uposlenika UIO da naknadno naplate carinske i poreske dazbine. Njegovu imovinu Sud BiH blokirao je prošle godine, a iako postoje uvjerenja da posjeduje nekretnine u Turskoj, o tome još nema zvanične potvrde.

Njegov advokat Asim Čmalčić jučer je u toku našeg poziva bio sa svojim klijentom Čauševićem. Kazao nam je da je u toku istraga i da u toj fazi nema smisla da bilo šta govori. Inače, u jučerašnjoj akciji uhapšene su i osobe koje su, pored zloupotrebe položaja u postupku carinjenja tekstilne i druge robe, zloupotrijebile službeni položaj ili ovlaštenja i to tako što su više od 300 vozila, koja su od 2011. do 2013. uvezena u BiH, u postupku carinjenja neosnovano oslobodile cjelokupnih ili djelimičnih carinskih obaveza.

A. B. Č.